

◆ 不可得

大般若波羅蜜多經卷第一百六十

T05n0220_p0860c22(00) || 三藏法師玄奘奉 詔譯

T05n0220_p0860c23(00) || 初分校量功德品第三十之五十八

T05n0220_p0860c26(02) || 『汝善男子應修淨戒波羅蜜多，

T05n0220_p0860c27(06) || 不應觀地界若常若無常，不應觀水、火、風、空、

T05n0220_p0860c28(06) || 識界若常若無常。何以故？地界地界自性空，水、火、風、空、

T05n0220_p0860c29(02) || 識界水、火、風、空、識界自性空；

T05n0220_p0861a01(08) || 是地界自性即非自性，是水、火、風、空、識界自性亦非自性，

T05n0220_p0861a02(03) || 若非自性即是淨戒波羅蜜多。於此淨戒波羅蜜多，

T05n0220_p0861a03(00) || 地界不可得，彼常無常亦不可得；水、火、風、空、

T05n0220_p0861a04(00) || 識界皆不可得，彼常無常亦不可得。

T05n0220_p0861a05(03) || 所以者何？此中尚無地界等可得，

T05n0220_p0861a06(07) || 何況有彼常與無常！汝若能修如是淨戒，是修淨戒波羅蜜多。』

T05n0220_p0861a07(00) || 「復作是言：『汝善男子應修淨戒波羅蜜多，

T05n0220_p0861a08(01) || 不應觀地界若樂若苦，不應觀水、火、風、空、

T05n0220_p0861a09(02) || 識界若樂若苦。何以故？地界地界自性空，水、火、風、

T05n0220_p0861a10(00) || 空、識界水、火、風、空、識界自性空；

T05n0220_p0861a11(05) || 是地界自性即非自性，是水、火、風、空、識界自性亦非自性，

T05n0220_p0861a12(00) || 若非自性即是淨戒波羅蜜多。

T05n0220_p0861a13(05) || 於此淨戒波羅蜜多，地界不可得，彼樂與苦亦不可得；水、

T05n0220_p0861a14(00) || 火、風、空、識界皆不可得，彼樂與苦亦不可得。

T05n0220_p0861a15(00) || 所以者何？此中尚無地界等可得，

T05n0220_p0861a16(04) || 何況有彼樂之與苦！汝若能修如是淨戒，

T05n0220_p0861a17(05) || 是修淨戒波羅蜜多。』

T17n0770_p0706b03(00) || 佛說四不可得經

T17n0770_p0706b05(00) || 西晉月支三藏竺法護譯

T17n0770_p0706b06(00) || 聞如是。一時佛遊於舍衛祇樹給孤獨園。

T17n0770_p0706b07(01) || 與大比丘俱。千二百五十人及諸菩薩。

T17n0770_p0706b08(00) || 佛明旦著衣持鉢入城分衛。四輩皆從。

T17n0770_p0706b09(02) || 諸天龍神各齎華香伎樂。追於上侍。

T17n0770_p0706b10(05) || 佛道眼睹見兄弟同產四人。遠家棄業山處閑居。

T17n0770_p0706b11(03) || 得五神通皆號仙人。宿對來至自知壽盡。悉欲避終。

T17n0770_p0706b12(00) || 各各思議。吾等神足飛騰自恣。

T17n0770_p0706b13(05) || 在所至到無所罣礙。今反當為非常所得。便危失身命。

T17n0770_p0706b14(00) || 當造方便免斯患難。不可就之也。

T17n0770_p0706b15(04) || 於是一人則踊在空中而自藏形。無常之對安知吾處。

T17n0770_p0706b16(00) || 一人則入市中人鬧之處。

T17n0770_p0706b17(07) || 廣大無量在中避命。無常之對趣得一人何必求吾。

T17n0770_p0706b18(04) || 一人則退入于大海三百三十六萬里。

T17n0770_p0706b19(06) || 下不至底上不至表。處於其中無常之對何所求耶。

T17n0770_p0706b20(03) || 一人則計竊至大山無人之處。擗山兩解入中還合。

T17n0770_p0706b21(00) || 非常之對安知吾處。於時四人各各避命。

T17n0770_p0706b22(00) || 竟不得脫。藏在空中者便自墮地猶果熟落。

T17n0770_p0706b23(00) || 其在中于彼喪亡。

T17n0770_p0706b24(09) || 在大海中則時天命魚鱉所食。入市中者在于眾人而自終沒。

T17n0770_p0706b25(00) || 於是世尊睹之如斯謂。

T17n0770_p0706b26(08) || 此四人闇昧不達欲捨宿對。三毒不除。不至三達無極之慧。

T17n0770_p0706b27(02) || 古今以來誰脫此患。佛則頌曰。

T17n0770_p0706b28(00) || 雖欲藏在空 若處大海中

T17n0770_p0706b29(00) || 假使入諸山 而欲自翳形

T17n0770_p0706c01(00) || 欲求不死地 未曾可獲之
T17n0770_p0706c02(00) || 是故精進學 無身乃為寧
T17n0770_p0706c03(00) || 佛告諸比丘。世有四事不可獲致。何等為四。
T17n0770_p0706c04(00) || 一曰年幼顏色煒燁髮黑齒白。
T17n0770_p0706c05(05) || 形貌光澤氣力堅強。行步舉止出入自遊。
T17n0770_p0706c06(06) || 上車乘馬眾人瞻戴莫不愛敬。一旦忽耄。
T17n0770_p0706c07(06) || 頭白齒落面皺皮緩。體重拄杖短氣呻吟。
T17n0770_p0706c08(07) || 欲使常少不至老者。終不可得。
T17n0770_p0706c09(00) || 二謂身體強健骨髓實盛。
T17n0770_p0706c10(07) || 行步無雙飲食自恣。莊飾頭首謂為無比。
T17n0770_p0706c11(07) || 張弓捻矢把執兵仗。有所危害不省曲直。罵詈衝口謂為豪強。
T17n0770_p0706c12(00) || 自計吾我無有衰耗。
T17n0770_p0706c13(09) || 疾病卒至伏之著床不能動搖。
T17n0770_p0706c14(14) || 身痛如撈耳鼻口目不聞聲香美味細滑。坐起須人惡露自出。
T17n0770_p0706c15(06) || 身臥其上眾患難喻。假使欲免常安無病終不可得。
T17n0770_p0706c16(00) || 三謂欲求長壽在世無極。
T17n0770_p0706c17(07) || 得于病死命既甚短。懷萬歲慮壽少憂多。不察非常五樂自恣。
T17n0770_p0706c18(00) || 放心逸意殺盜姪亂。兩舌惡口妄言綺語。
T17n0770_p0706c19(00) || 貪嫉邪見不孝父母。不順師友輕易尊長。
T17n0770_p0706c20(01) || 反逆無道希望豪富。謂可永存。
T17n0770_p0706c21(06) || 譏謗聖道以邪無雙。噓天推步慕于世榮。
T17n0770_p0706c22(06) || 不識天地表裏所由。不別四大因緣合成猶如幻化。
T17n0770_p0706c23(03) || 不了古今所興之世。不受倡道。
T17n0770_p0706c24(07) || 不知生所從來死之所歸。心存天地。謂是吾許。
T17n0770_p0706c25(05) || 非常對至如風吹雲。冀念長生命忽然終不得自在。
T17n0770_p0706c26(02) || 欲使不爾終不可得也。
T17n0770_p0706c27(00) || 四謂父母兄弟家室親族。

T17n0770_p0706c28(07) || 朋友知識恩愛榮樂。財物富貴官爵俸祿。

T17n0770_p0706c29(07) || 騎乘遊觀妻妾子息。以自憍恣飲食快意。

T17n0770_p0707a01(07) || 兒客僕使趨行騎視。顧影而步。輕蔑眾人。計已無雙。

T17n0770_p0707a02(03) || 奴客庸罵獸類畜生。出入自在無有期度。不察前後。

T17n0770_p0707a03(00) || 謂其眷屬從使之眾意可常得。

T17n0770_p0707a04(05) || 宿對卒至如湯消雪。心乃懷懼請求濟患安得如願。

T17n0770_p0707a05(02) || 呼[口*翁]命斷魂神獨逝。

T17n0770_p0707a06(11) || 父母兄弟妻子親族朋友知識恩愛。皆自獨留。

T17n0770_p0707a07(10) || 官爵財物僕從各散馳走如星。欲求不死不可得也。

T17n0770_p0707a08(00) || 佛告比丘。古今以來天地成立。

T17n0770_p0707a09(05) || 無免此苦四難之患。以斯四苦佛興于世。設無此難。

T17n0770_p0707a10(01) || 不現身相教化群黎。

T17n0770_p0707a11(10) || 猶如四方有洪石山廣大且高。上生草木眾果藥樹。華實悉茂。

T17n0770_p0707a12(02) || 忽失野火四山俱發。暴疾相向速于日行。

T17n0770_p0707a13(03) || 有人白王。說有此患寧可避乎。答曰。不可得也。

T17n0770_p0707a14(02) || 天中之天。唯有神通乃可濟矣。

T17n0770_p0707a15(00) || 佛言。有心意識。不解深妙空無之慧。

T17n0770_p0707a16(03) || 心計吾我。五陰所縛六衰所惑。欲不老病。

T17n0770_p0707a17(03) || 規拔此惡分離之患。志于常存終不可得。

T17n0770_p0707a18(03) || 唯成法身陰衰悉蠲。無內無外進退自在。

T17n0770_p0707a19(04) || 乃能免此四難之患。如春種穀。令秋不熟終不可得。

T17n0770_p0707a20(00) || 殖老病死別乖之本。欲離不終不如志也。

T17n0770_p0707a21(00) || 猶樹生果。欲使不落終不可得也。

T17n0770_p0707a22(03) || 猶人飲酒。欲使不醉孰有獲願。種諸根本。

T17n0770_p0707a23(03) || 欲令不終不可得也。如人服毒。

T17n0770_p0707a24(07) || 欲令不死誰有獲願。種離根本。欲令不別終不可得也。

T17n0770_p0707a25(02) || 猶人入溷。欲令不臭誰有獲願。

T17n0770_p0707a26(07) || 植老病死欲免斯患。未有如願。人不識此四苦。

T17n0770_p0707a27(05) || 放心恣意沒沈五道。猶如車輪不得離地。

T17n0770_p0707a28(06) || 悲哀呼嗟轉相戀慕。無有竟已。猶如狂逸裸形而遊。

T17n0770_p0707a29(02) || 恍惚妄語謂為真諦。

T17n0770_p0707b01(11) || 痛哉誰了此義唯有解道乃知之耳。比丘白佛言。何緣免濟此苦之難。

T17n0770_p0707b02(00) || 世尊告曰。當求解脫。何謂解脫。佛言。

T17n0770_p0707b03(03) || 護身口意初中竟善。不為聲聞行。身不犯三罪。

T17n0770_p0707b04(01) || 口不犯四過。意不念三惡。初中竟善也。

T17n0770_p0707b05(03) || 又身口意和而歸三寶。除于三毒。

T17n0770_p0707b06(07) || 入空無相不願之法。向三脫門。是初中竟善之德也。

T17n0770_p0707b07(03) || 三界皆苦。生老病死。視身如怨。

T17n0770_p0707b08(07) || 行于四等悲慈喜護。不遵大慈無極之哀。趣欲免身至于泥洹。

T17n0770_p0707b09(00) || 不念一切便得羅漢。不及十方。

T17n0770_p0707b10(05) || 雖得免於四患猶有限礙。

T17n0770_p0707b11(00) || 佛言。發菩薩意。

T17n0770_p0707b12(11) || 普令眾生常念遵六度無極之行。初中竟善者。謂發意菩薩也。

T17n0770_p0707b13(03) || 初亦善者。視一切人如父如母如身。常等無異。

T17n0770_p0707b14(02) || 中亦善者。不畏勤苦在于生死無央數劫。

T17n0770_p0707b15(03) || 不以為勞。竟亦善者。分別空慧不見吾我。

T17n0770_p0707b16(00) || 又初亦善者。本發大意願濟一切。

T17n0770_p0707b17(03) || 不為己計。中亦善者。行四等心慈悲喜護。竟亦善者。

T17n0770_p0707b18(00) || 弘無極慈欲導群黎。遭諸惱患。初亦善者。

T17n0770_p0707b19(00) || 觀身四大本無化合。緣于無緣。中亦善者。

T17n0770_p0707b20(00) || 無我無人無壽無命。有斯四事則受身矣。

T17n0770_p0707b21(01) || 無緣無攀何從得因。猶如立屋。

T17n0770_p0707b22(06) || 有材有土有水有草。四事別離各散異處。

T17n0770_p0707b23(07) || 人合作舍因得屋名。計身四事亦復如是。

T17n0770_p0707b24(07) || 各在一面心著所有我人壽命。四大合成因號為人。

T17n0770_p0707b25(03) || 竟亦善者。了知無身不倚三界。一切悉空。

T17n0770_p0707b26(03) || 初亦善者。布施持戒忍辱精進一心智慧之道。

T17n0770_p0707b27(01) || 中亦善者。曉知六通之法。入柔順法忍。

T17n0770_p0707b28(03) || 竟亦善者。知身自然諸法自然人物自然。

T17n0770_p0707b29(04) || 一切如化如幻計皆本無。初亦善者。

T17n0770_p0707c01(07) || 謂發無上正真之道。中亦善者。解音響慧。

T17n0770_p0707c02(07) || 得無所從生不起法忍。竟亦善者。逮一生補處。

T17n0770_p0707c03(06) || 勇猛之狀遊一切生。睹無所起救濟一切。

T17n0770_p0707c04(07) || 如日普照無所不遍。是為菩薩初亦善者。中亦善者竟亦善者。

T17n0770_p0707c05(00) || 佛言。行菩薩道多所度脫。

T17n0770_p0707c06(07) || 猶眾星中月而獨光。光如日初出一時悉遍。

T17n0770_p0707c07(07) || 猶如炬火在所如照。療諸病如良醫。度群黎如船師。

T17n0770_p0707c08(04) || 安三界猶國主。降異道如師子。道心普如虛空。

T17n0770_p0707c09(02) || 心等如地。洗垢如水。燒諸罪如火。遊無礙如風。

T17n0770_p0707c10(00) || 是為初中竟善菩薩之事。乃為究暢。

T17n0770_p0707c11(00) || 佛說如是。諸菩薩及眾比丘。

T17n0770_p0707c12(06) || 諸天龍神阿須倫。聞經莫不歡喜。

T17n0770_p0707c13(00) || 佛說四不可得經